



















蘇軾荀卿論

弟坤曰以  
其所傳攻  
其所蔽

嘗讀孔子世家○觀其言語文章○循循然莫不有規矩○不敢放言高論○  
言必稱先王○朕後知聖人憂天下之深也○茫乎不知其畔岸而非遠○  
也○浩乎不知其津涯而非深也○其所言者○匹夫匹婦之所共知○而所  
行者○聖人有所不能盡也○嗚呼○是亦足矣○使後世有能盡吾說者○雖  
為聖人無難○而不能者○不失為寡過而已矣○子路之勇○子貢之辯○冉  
有之智○此三者皆天下之所謂難能而可貴者也○朕三子者○每不為  
夫子之所悅○顏淵默朕不見其所能○若無以異於衆人者○而夫子亟  
稱之○且夫學聖人者○豈必其言之云哉○亦觀其意之所嚮而已○夫子



以○為○後○世○必○有○不○能○行○其○說○者○矣○必○有○竊○其○說○而○為○不○義○者○矣○是○故○  
其○言○平○易○正○直○而○不○敢○為○非○常○可○喜○之○論○要○在○於○不○可○易○也○昔○者○常○  
怪○李○斯○事○荀○卿○既○而○焚○滅○其○書○大○變○古○先○聖○王○之○法○於○其○師○之○道○不○  
啻○若○冠○讐○及○今○觀○荀○卿○之○書○朕○後○知○李○斯○之○所○以○事○秦○者○皆○出○於○荀○  
卿○而○不○足○怪○也○荀○卿○者○喜○為○異○說○而○不○讓○敢○為○高○論○而○不○顧○者○也○其○  
言○愚○人○之○所○驚○小○人○之○所○喜○也○子○思○孟○軻○世○之○所○謂○賢○人○君○子○也○荀○  
卿○獨○曰○亂○天○下○者○子○思○孟○軻○也○天○下○之○人○如○此○其○衆○也○仁○人○義○士○如○  
此○其○多○也○荀○卿○獨○曰○人○性○惡○桀○紂○性○也○堯○舜○偽○也○由○是○觀○之○意○其○為○  
人○必○有○剗○復○不○遜○而○自○許○太○過○彼○李○斯○者○又○特○甚○者○耳○今○夫○小○人○之○



為不善猶必有所顧忌是以夏商之亡。桀紂之殘暴而先王之法度。禮樂刑政猶未至於絕滅而不可考者是桀紂猶有所存而不敢盡。廢也。彼李斯者獨能奮而不顧焚燒夫子之六經烹滅三代之諸侯。破壞周公之井田。此亦必有所恃者矣。彼見其師歷詆天下之賢人。以自是其愚以為古先聖王皆無足法者。不知荀卿特以快一時之。論而荀卿亦不知其禍之至於此也。其父殺人執讐其子必且行劫。荀卿明王道述禮樂而李斯以其學亂天下。其高談異論有以激之。也。孔孟之論未嘗異也。而天下卒無有及者。荀天下果無有及者則。尚安以求異為哉。



鍾惺曰、寫出千古來一軌、物乘戾之人、皆為荆公而發。



蘇軾韓非論

聖人之所為○惡夫異端○盡力而排之者○非異端之能亂天下○而天下之亂○所由出也○昔周之衰○有老聃○莊周○列禦寇之徒○更為虛無淡泊之言○而治其猖狂浮游之說○紛紜顛倒而卒歸於無有○由其道者○蕩然莫得其當○是以忘乎富貴之樂○而齊乎死生之分○此不得志於天下○高世遠舉之人○所以放心而無憂○雖非聖人之道○而其用意固亦無惡於天下○自老聃之死○百餘年○有商鞅○韓非○著書言治天下○無若刑名之賢○及秦用之○終於勝廣之亂○教化不足○而法有餘○秦以不祀○而天下被其毒○後世之學者○知申韓之罪○而不知老聃○莊周之使朕

孫鑛曰先  
教寬一著



鍾惺曰申  
韓原於道  
德之意得  
此論始透  
鍾惺曰縛  
綿聯轉反  
則快透

何者仁義之道起於夫婦父子兄弟相愛之間而禮法刑政之原出於君臣上下相忌之際相愛則有所不忍相忌則有所不敢夫不敢與不忍之心合而後聖人之道得存乎其中今老聃莊周論君臣父子之間泥汎乎若萍浮於江湖而遭相值也夫是以父不足愛而居不足忌不忌其君不愛其父則仁不足以懷義不足以勸禮樂不足以化此四者皆不足用而欲置天下於無有豈誠足以治天下哉商鞅韓非求為其說而不得得其所所以輕天下而齊萬物之術是以敢為殘忍而無疑今夫不忍殺人而不足以為仁而仁亦不足以治民則是殺人不不足以為不仁而不仁亦不足以亂天下如此則舉天下



茅坤曰自  
說破了根  
子

唯吾之所為。刀鋸斧鉞。何施而不可。昔者夫子未嘗一日敢易其言。雖天下之小物。亦莫不有所畏。今其視天下。渺然若不足為者。此其所以輕殺人歟。大史遷曰。申子卑卑。施於名寔。韓子引繩墨。切事情。明是非。其極慘覈。少思。皆原於道德之意。嘗讀而思之。事固有不相謀而相感者。莊老之後。其禍為申韓。由三代之衰。至於今。凡所以亂聖人之道者。其弊固已多矣。而未知其所終。奈何其不為之所也。鍾惺曰。讀荀卿韓非論。知中庸所謂小人而無忌憚。正指此一輩人。微獨荀韓即老莊亦在其中。







蘇軾上韓魏公乞莖董傳書

孫鑛曰便  
粘著

軾再拜。近得秦中故人書報進士董傳三月中病死。軾往歲官岐下。始識傳。至今七八年。知之熟矣。其為人不通曉世事。狀酷嗜讀書。其文字蕭然有出塵之姿。至詩與楚辭。則求之於世。可與傳比者。不過數人。以固不待軾言。公自知之。狀傳嘗望公不為力致一官。軾私心以為公非有所愛也。知傳所稟付至薄。不任官耳。今年正月軾過岐下。而傳居喪二曲。使人問訊其家。而傳徑至長安。見軾於傳舍。道其饑寒窮苦之狀。以為幾死者數矣。賴公而存。又且薦我於朝。吾平生無妻。近有彭駕部者。聞公薦我。許嫁我其妹。若免喪得一官。又且有



楊彝曰讀  
之謂志士  
之悲短英  
作之氣

妻○不○虛○作○一○世○人○皆○公○之○賜○軾○既○為○傳○喜○且○私○憂○之○此○二○事○生○人○之○  
常○理○而○在○傳○則○為○非○常○之○福○恐○不○能○就○令○傳○果○死○悲○夫○書○生○之○窮○薄○  
至○於○如○此○其○極○邪○夫○傳○之○才○器○固○不○通○於○世○用○狀○譬○之○象○犀○珠○玉○雖○  
無○補○於○饑○寒○要○不○可○使○在○塗○泥○中○此○公○所○以○終○薦○傳○也○今○父○子○累○骨○  
僧○寺○中○孀○母○弱○弟○自○謀○口○腹○不○暇○決○不○能○葬○軾○與○之○故○舊○在○京○師○者○  
數○人○相○與○出○錢○贖○其○家○而○氣○力○微○薄○不○能○有○所○濟○甚○可○憫○笑○公○若○猶○  
憐○之○不○敢○望○其○它○度○可○以○葬○傳○者○足○矣○陳○繹○學○士○當○往○涇○州○而○宋○迪○  
度○支○在○岐○下○公○若○有○以○賜○之○軾○且○斂○衆○人○之○贈○并○以○予○陳○而○致○之○宋○  
使○葬○之○有○餘○以○予○其○家○傳○平○生○所○為○文○當○使○人○就○其○家○取○之○若○獲○當○



獻諸公。干冒左右。無任戰越。

鍾惺曰。如此狀後。謂之憐才。今人皆預料其富貴。而從貧賤時收之。此勢利之尤耳。何憐才之有。



宋史

卷一

集賢堂



蘇軾與魯直

晁君寄騷細看甚奇信其家多異材邪朕有少意欲魯直以已意微  
箴之凡人文字務使平和至足餘溢為奇怪蓋出於不得已爾晁文  
奇怪似差早朕不可直云耳非謂其諱也恐傷其邁往之氣當為朋  
友講磨之語乃宜不知公謂朕否

鍾惺曰深厚之言悲愍之念一氣流出







鍾惺曰說  
出天人至  
覺恍人名  
泉斷人妄  
題

蘇軾量君成詩集序

達賢者有後張湯是也張湯空無後者也無其實而竊其名者無後  
楊雄是也楊雄空有後者也達賢者有後吾是以知蔽賢者之無後  
也無其實而竊其名者無後吾是以知有其實而辭其名者之有後  
也賢者民之所以生也而蔽之是絕民也名者古今之達尊也重於  
富貴而竊之是欺天也絕民欺天其無後不亦宜乎故曰達賢者與  
有其實而辭其名者皆有後吾常誦之云爾乃者官於杭杭之新城  
令鼂君君成諱端友者君子人也吾與之將三年知其為君子而不  
知其能文與詩而君亦未嘗有一語及此者其後君既歿於京師其



子補之出居之詩三百六十篇讀之而驚曰嗟夫詩之旨雖微然其  
美惡高下猶有可以言傳而指見者至於人之賢不肖其深遠茫昧  
難知蓋基於詩今吾尚不能知居之能詩則其所謂知君之為君子  
者果能盡知之乎君以進士得官所至民安樂之惟恐其去朕未嘗  
以一言求於人凡從仕二十有三年而後改官以沒由此觀之非獨  
吾不知舉世莫之知也君之詩清厚靜淡如其為人而每篇輒出新  
意奇語宜為人所共愛其勢非君深自覆匿人必知之而其子補之  
於文無所不能博辯俊偉絕人甚遠將必顯於世吾是以益知有其  
實而辭其名者之必有後也昔李邵為漢中侯吏和帝遣二使者徵



服入蜀館於郤郤以星知之後三年使者為漢中守而郤猶為候吏  
人莫知之者其博學隱德之報在其子固詩曰豈弟君子裨所勞矣  
鍾惺曰頓挫變化

結○澹而速○



卷一

九

集賢堂



蘇軾滕縣公堂記

鍾惺曰只此一語先破諸儒所辯後便陷於

鍾惺曰語有地步有斟酌

鍾惺曰一

君子之仕也○以其才易天下之養也○才有大小○故養有厚薄○苟有益於人○雖厲民以自養○不為秦○是故飲食必豐○車服必安○宮室必壯○使令之人○必給○則人輕去其家○而重去其國○如使衣食菲惡○不如吾私宮室○弊陋○不如吾廬○使令之人○朴野不足○不如吾僮奴○雖君子安之○無不可者○狀人之情○所以去父母○捐墳墓○而遠遊者○豈猷安逸而思勞苦也哉○至於宮室○蓋有所從受而傳之○無窮○非獨以自養也○今日不治○後日之費○必倍○而比年以來○所在務為險陋○尤諱土木營造之功○歟○仄腐壞○轉以相付○不敢擅易一椽○此何義也○滕古邑也○在宋魯

天下事盡壞於此一語



語說盡俗  
更病痛只  
是胸中曠  
然

之間○歸為難治○庭宇陋甚○莫有葺者○非惟不敢○亦不暇自○天聖元年○  
縣令太常博士張君太素○實始改作○凡五十有二年○而贊善大夫范○  
君純粹○自公府掾謫為令○復一新之○公堂吏舍○凡百一十有六間○高○  
明碩大○稱子男邦君之居○而寢室未治○范君非嫌於奉已也○曰吾力○  
有所未暇而已○昔毛孝先崔季瑤用事○士皆變易車服○以求名○而徐○  
公不改其常○故天下以為泰○其後世俗日以奢靡○而徐公固自若也○  
故天下以為嗇○君子之度一也○時自二耳○

鍾惺曰○先王作法○從庸衆人立想○不從聖賢立想○期於實用可久○  
而不務名與迹之美○務名與迹之美○則不必近情○不近情者○未



有能久者也。此非俗儒俗吏所知。故借此一事發之。







蘇軾李氏山房藏書記

僅惺曰以  
上教十句  
只如一句

象牙珠玉怪珍之物有悅於人之耳目而不適於用金石草木絲麻  
五穀六材有適於用而用之則弊取之則竭悅於人之耳目而適於  
用用之而不弊取之而不竭賢不肖之所得各因其才仁智之所見  
各隨其分才分不同而求無不獲者惟書乎自孔子聖人其學必始  
於觀書當是時惟周之柱下史老聃為多書韓宣子適魯肱後見易  
象與魯春秋季札聘於上國肱後得聞詩之風雅頌而楚獨有左史  
倚相能讀三墳五典八索九丘士之生於是時得見六經者蓋無幾  
其學可謂難矣而皆習於禮樂深於道德非後世君子所及自秦漢



以來作者益衆。紙與字畫日趨於簡便。而書益多。世莫不有。然學者  
益以苟簡。何哉。余猶及見老儒先生。自言其少時。欲求史記漢書而  
不可得。幸而得之。皆手自書。日夜誦讀。惟恐不及。近歲市人轉相摹  
刻。諸子百家之書。日傳萬紙。學者之於書。多且易致。如此其文詞學  
術。當倍蓰於昔人。而後生科舉之士。皆束書不觀。游談無根。此又何  
也。余友李公擇。少時讀書於廬山五老峯下白石菴之僧舍。公擇既  
去。而山中之人。思之。指其所居。為李氏山房。藏書凡九千餘卷。公擇  
既已涉其流。掇其源。採剝其華實。而咀嚼其膏味。以為已有。發於文  
詞。見於行事。以聞名於當世矣。而書固自如也。未嘗少損。將以遺來



茅泮曰收  
拾前發議  
末

者○供○其○無○窮○之○求○而○各○足○其○才○分○之○所○當○得○是○以○不○藏○於○家○而○藏○於○  
其○所○故○居○之○僧○舍○此○仁○者○之○心○也○余○既○衰○且○病○無○所○用○於○世○惟○得○數○  
年○之○間○盡○讀○其○所○未○見○之○書○而○廬○山○固○所○願○將○而○不○得○者○蓋○將○老○焉○  
盡○發○公○擇○之○藏○拾○其○餘○棄○以○自○補○庶○有○益○乎○而○公○擇○求○余○文○以○為○記○  
乃○為○一○言○使○來○者○知○昔○之○君○子○見○書○之○難○而○今○之○學○者○有○書○而○不○讀○  
為○可○惜○也○

鍾惺曰○藏書僧舍○仁者之心○作此記○仁者之言○從良心上○聳動人○  
讀書○盖亦苦矣○







蘇軾放鶴亭記

孫鑛曰叙  
亭景勝画

熙寧十年秋彭城大水。雲龍山人張君之草堂。水及其半扉。明年春。水落。遷於故居之東。東山之麓。升高而望。得異境焉。作亭於其上。彭城之山。岡嶺四合。隱狀如大環。獨缺其西十二。而山人之亭適當其缺。春夏之交。草木際天。秋冬雪月。千里一色。風雨晦明之間。俯仰百变。山人有二鶴。甚馴而善飛。旦則望西山之缺而放焉。縱其所如。或立於陂田。或翔於雲表。莫則僦東山而歸。故名之曰放鶴亭。郡守蘇軾時從賓客僚吏。往見山人。飲酒於斯亭而樂之。挹山人而告之曰。子知隱居之樂乎。雖南面之君。未可與易也。易曰。鳴鶴在陰。其子和。



鍾惺曰從  
戰國策生  
王之頭不  
如死士之  
墓二語要  
來朕說得  
不殺風景

之詩曰鶴鳴於九皋。聲聞於天。蓋其為物清遠。閑放。超然於塵垢之  
外。故易詩人以比賢人。君子隱德之士。狎而玩之。宜若有益而無損  
者。朕衛懿公好鶴。則亡其國。周公作酒誥。衛武公作抑戒。以為荒惑  
敗亂。無若酒者。而劉伶阮籍之徒。以此全其真。而名後世。嗟夫。南面  
之君。雖清遠。閑放。如鶴者。猶不得好好之。則亡其國。而山林遁世之  
士。雖荒惑。敗亂。如酒者。猶不能為害。而況於鶴乎。由此觀之。其為樂  
未可以同日而語也。山人忻然而笑曰。有是哉。乃作欲鶴招鶴之歌。  
曰。

鶴飛去兮。西山之缺。高翔而下。覽兮。擇所適。翻然斂翼。婉將集兮。忽



何所見。矯狀而復擊。獨終日於澗谷之間。兮。喙蒼苔而履白石。鶴歸  
來兮。東山之陰。其下有人兮。黃冠草履。葛衣而鼓琴。躬畊而食兮。其  
餘以沙飽。歸來歸來兮。西山不可以久留。

茅坤曰。踈曠爽狀。



卷八

集賢堂



茅坤曰風  
音亦白水  
經來狀多  
奇峭之興

鍾惺曰從  
來淺人如  
此

蘇軾石鐘山記

水經云彭蠡之口有石鐘山焉。酈元以為下臨深潭，微風鼓浪，水石相搏，聲如洪鐘。是說也。人常疑之。今以鐘磬置水中，雖大風浪不能鳴也。而況石乎？至唐李渤始訪其遺蹤，得雙石於潭上，扣而聆之，南聲函胡，北音清越，枹止響騰，餘音徐歇。自以為得之矣。狀是說也。余尤疑之。石之鏗狀有聲者，所在皆是也。而此獨以鐘鳴，何哉？元豐七年六月丁丑，余自齊安舟行適臨汝，而長子邁將赴饒之德興尉，送之至湖口，因得觀所謂石鐘者。寺僧使小童持斧於亂石間擇其一扣之，硃硃焉。余固笑而不信也。至其夜月明，獨與邁乘小舟至絕



孫鑛曰字  
字撲飛鴻  
之勢

壁下大石側立千仞如猛獸奇鬼森然欲搏人而山上棲鶴聞人聲  
亦驚起磔磔雲霄間又有若老人欬且笑於山谷中者或曰此鶴鶴  
也余方心動欲還而大巖發於水上噌吰如鐘鼓不絕舟人大恐徐  
而察之則山下皆石穴罅不知其淺深微波入焉涵澹澎湃而為此  
也舟迴至兩山間將入港口有大石當中流可坐百人空中而多竅  
與風水相吞吐有窾坎鏜鏘之聲與向之噌吰者相應如樂作焉因  
笑謂邁曰汝識之乎噌吰者周景王之無射也窾坎鏜鏘者魏獻子  
之歌鐘也古之人不余欺也事不見耳聞而臆斷其有無可乎酈  
元之所見聞殆與余同而言之不詳士大夫終不肯以舟夜泊絕壁



之下故莫能知而漁工水師雖知而不能言此世所以不傳也而陋者乃以斧斤考擊而求之自以為得其實余是以記之蓋歎鄴元之簡而笑李渤之陋也

鍾惺曰真窮理之言所謂身到處不肯放過也○可見窮山水之情者不是好事○直是虛心細心○







蘇鏞曰一語點睛

鍾惺曰許多幻解歸之於學使人有下手處

蘇軾文與可畫篋簞谷偃竹記

竹之始生一○寸之萌耳○而節葉具焉○白蜩腹蛇蚶○以至於劍拔十尋者○生而有之也○今畫者乃節節而為之○葉葉而累之○豈復有竹乎○故畫竹必先○得成竹於胸中○執筆熟視○乃見其所欲畫者○急起從之○振筆直遂○以追其所見○如兔起鶻落○少縱則逝矣○與可之教予如此○予不能狀也○而心識其所以○狀而不能狀者○內外不一○心手不相應○不學之過也○故凡有見於中○而操之○不熟者○平居自視了○狀而臨事○忽焉喪之○豈獨竹乎○子由為墨竹賦○以遺與可○曰庖丁解牛者也○而養生者取之○輪扁斲輪者也○而讀書者與之○今夫



陳仁錫曰  
得此一猷  
力東坡喜  
作文常有  
不點檢處

夫子之說於斯竹也。而予以為有道者則非邪。子由未嘗畫也。故得其意而已。若予者。豈獨得其意。并得其法。與可畫竹。初不自貴重。四方之人。持纈素而請者。足相躡於其門。與可歛之。投諸地。而罵曰。吾將以為韞士大夫傳之。以為口實。及與可自洋州還。而余為徐州。與可以書遺余曰。近語士大夫。吾墨竹一派。近在彭城。可往求之。韞材當萃於子矣。書尾復寫一詩。其畧曰。擬將一段鵞谿絹。歸取寒梢萬尺長。予謂與可竹長萬尺。當用絹二百五十尺。知公倦於筆硯。願得此絹而已。與可無以答。則曰。吾言妄矣。世豈有萬尺竹哉。余因而實之。答其詩曰。世間亦有千尋竹。月落空庭影許長。與可笑曰。蘇子辯



事坤曰中  
多詠詩之  
言

則辯矣。狀二百五十疋。吾將買田而歸老焉。因以所畫篋管谷偃竹遺予曰。此竹數尺耳。而有萬尺之勢。篋管谷在洋州。與可嘗令予作洋州三十詠。篋管其一也。予詩云。漢川脩竹賤如蓬。斤斧何曾赦。籜龍料得清貧饒。太守渭濱千畝在胸中。與可是日與其妻蔣谷中燒筍晚食。發函得詩。失笑噴飯。滿案。元豐二年正月二十日。與可沒於陳州。是歲七月七日。予在湖州曝書畫。見此竹。廢卷而哭。失聲。昔曹孟德祭橋公文。有車過腹痛之語。而予亦載與可疇昔戲笑之言者。以見與可於予親厚無間如此也。

鍾惺曰。前段便是莊子庖丁解牛全文。因後段添許多妙論。所以



隔一層○



茅坤曰古

來豪傑被

橫口污蟻

者多此一

洗刷絕是

蘇軾李太白碑陰記

李太白狂士也。又嘗失節於永王璘。此豈濟世之人哉。而畢文簡公以王佐期之。不亦過乎。曰。士固有言而無實。虛名不達於用者。然不可以此料天下士。士以氣為主。方高力士用事。公卿大夫爭事之。而太白使脫靴殿上。固已氣蓋天下矣。使之得志。必不肯附權倖。以取容。其肯從君於昏乎。夏侯湛贊東方生云。開濟明豁。已含宏大。暖輒卿相。嘲哂豪傑。籠罩靡前。殆藉貴勢。出。不仕顯賤。不憂戚戲。萬幸若僚友。視儔列。如草芥。雄節邁倫。高氣蓋世。可謂拔乎其萃。游方之外者也。吾於太白亦云。太白之從永王璘。當由迫脅。不狀璘之狂肆。



寢陋雖庸人知其必敗也○太白識郭子儀之為人傑而不能知璘之○  
無成此理之必不朕者也○吾不可以不辯○

鍾惺曰○太白狂士也○五字拈得着○忽尋出一氣字○見狂者之用○狂  
者之氣○即狂者之才也○又尋出一識字○見狂者之品○狂者  
即狂者之守也○看得深○說得透○



蘇軾司馬溫公神道碑

上即位之三年○朝廷清明○百揆時敘○民安其生○風俗一變○異時薄夫  
鄙人○皆洗心易德○務為忠厚○人人自重○耻言人過○中國無事○四夷稽  
首○請命○惟西羌夏人○叛服不常○懷毒自疑○數入為寇○上命諸將按兵  
不戰○示以形勢○不數月○生致大酋○領鬼章青宜結闕下○夏人十數萬  
寇涇原○至鎮戎城下○五日○無所得○一夕遁去○而西羌兀征嚴延○以其  
族萬人來降○黃河始決曹村○既築靈平○復決小吳○橫流五年○朔方騷  
然○而今歲之秋○積雨弥月○河不大溢○及冬水入地益深○有北流赴海○  
復禹舊迹之勢○凡上所欲○不求而獲○其所惡○不麾而去○天下曉然○



知天意與上合。庶幾復見至治之成。家給人足。刑措不用。如咸平景德間也。或以問臣。軾上與太皇太后安。所設施而及此。臣軾對曰。在易大有上九。自天祐之。吉無不利。孔子曰。天之所助者順也。人之所助者信也。履信思乎順。又以尚賢也。是以自天祐之。吉無不利。今二聖躬信順。以先天下。而用司馬公。以致天下士。應是三德矣。且以臣觀之。公仁人也。天相之矣。何以知其狀也。曰。公以文章名於世。而以忠義自結人主。朝廷知之可也。四方之人。何自知之。士大夫知之可也。農商走卒。何自知之。中國知之可也。九夷八蠻。何自知之。方其退居於洛。眇然如顏子之在陋巷。累然如屈原之在陂澤。其與民相忘。



鍾惺曰說  
得動人不  
待其詞之  
畢尤在此  
段

也○以○矣○而○名○震○天○下○如○雷○霆○如○河○漢○如○家○至○而○日○見○之○聞○其○名○者○雖  
愚○無○知○如○婦○人○孺○子○勇○悍○難○化○如○軍○伍○夷○狄○以○至○於○姦○邪○小○人○雖○惡  
其○害○已○仇○而○疾○之○者○莫○不○斂○衽○變○色○咨○嗟○太○息○或○至○於○流○涕○也○元○豐  
之○末○臣○自○登○州○入○朝○過○八○州○以○至○京○師○民○知○其○與○公○善○也○所○在○數○千  
人○聚○而○啼○呼○於○馬○首○曰○寄○謝○司○馬○丞○相○慎○毋○去○朝○廷○厚○自○愛○以○活○百  
姓○如○是○者○蓋○千○餘○里○不○絕○至○京○師○聞○士○大○夫○言○公○初○入○朝○民○擁○其○馬  
至○不○得○行○衛○士○見○公○擎○跪○流○涕○者○不○可○勝○數○公○懼○而○歸○洛○遼○人○夏○人  
遣○使○入○朝○與○吾○使○至○虜○中○者○虜○必○問○公○起居○而○遼○人○勅○其○邊○吏○曰○中  
國○相○司○馬○矣○慎○毋○生○事○開○邊○隙○其○後○公○薨○京○師○之○民○罷○市○而○旌○吊○鬻○



哀以致奠。巷哭以過車者。蓋以千萬數。上命戶部侍郎趙瞻內侍省  
押班馮宗道護其喪歸塋。瞻等既塋。皆言。民哭公哀甚。如哭其私親。  
四方來會塋者。蓋數萬人。而嶺南封州父老相率致祭。且作佛事以  
薦公者。其詞尤哀。炷薌於手。頂以送公塋者。凡百餘人。而畫像以祠  
公者。天下皆是也。豈人力也哉。天相之也。匹夫而能動天。亦必有  
道矣。非至誠一德。其孰能使之記。曰。惟天下之至誠。為能盡其性。則  
能盡人之性。能盡人之性。則能盡物之性。能盡物之性。則可以贊天  
地之化育矣。書曰。惟尹躬暨湯。咸有一德。克享天心。又曰。德惟一。動  
罔不吉。德二三。動罔不凶。或以千金與人。而人不喜。或以一言使人



而人死之者誠與不誠故也。稽天之濔不能終朝而一綫之溜可以達石者一與不一故也。誠而一古之聖人不能加毫末於此矣。而況公乎。故臣論公之德至於感人心動天地巍巍如此而蔽之以二言曰誠曰一公諱光字君實其先河內人晉安平獻王孚之後王之裔孫征東大將陽始塋今陝州夏縣涑水鄉子孫因家焉曾祖諱政以五代衰亂不仕贈太子太保祖諱炫舉進士試秘書省校書郎終於耀州富平縣令贈太子太傅考諱池寶元慶曆間名臣終於兵部郎中天章閣待制贈太師溫國公曾祖妣薛氏祖妣皇甫氏妣聶氏皆封溫國太夫人公始以進士甲科事仁宗皇帝至天章閣待制知諫



院始發大議乞立宗子為後以安宗廟宰相韓琦等因其言遂定大計事英宗皇帝為諫議大夫龍圖閣直學士論陝西刺義勇為民患及內侍任守忠姦蠹乞斬以謝天下守忠竟以譴死又論濮安懿王當準先朝封贈期親尊屬故事天下避之事神宗皇帝為翰林學士御史中丞西戎部將嵬名山欲以橫山之衆降公極論其不可納後必為邊患已而果狀勸帝不受尊號遂為萬世法及王安石為相始行青苗助役農田水利謂之新法公首言其害以身爭之當時士大夫不附安石言新法不便者皆倚公為重帝以公為樞密副使公以言不行不受命乃以為端明殿學士出知永興軍遂以留司御史臺



及提舉崇福宮。退居於洛。十有五年。及上即位。太皇太后攝政。起公為門下侍郎。遷正議大夫。遂拜左僕射。公首更詔書。以開言路。分別邪正。進退其甚者十餘人。旋罷保甲。保馬。市易。及諸道新行鹽鐵茶法。案後遂罷助役。青苗。方議取士。擇守令。監司。以養民。期於富而教之。凜凜乎嚮至治矣。而公卧病。以元祐元年九月丙辰朔薨於位。享年六十八。太皇太后聞之。慟上亦感涕不已。時方祀明堂。禮成不賀。二聖皆臨其喪。哭之哀甚。輟視朝。贈太師。溫國公。遂以一品禮服。謚曰文正。官其親屬十人。公娶張氏。禮部尚書存之女。封清河郡君。先公卒。追封溫國夫人。子三人。童唐皆早亡。康今為秘書省校書郎。孫



茅坤曰又  
歸到神宗

上竄切

楊彝曰子

瞻受知神

宗與光相

類故言下

不勝感激

二人植桓皆承奉卽以元祐二年正月享而葬於陝之夏縣涑水南  
原之見村上以御篆表其墓道曰忠清粹德之碑而其文以命臣軾  
臣蓋嘗為公行狀而端明殿學士范鎮取以志其墓矣故其詳不復  
再見而獨論其大槩議者徒見上與太皇太后進公之速用公之盡  
而不知神宗皇帝知公之深也自士庶人至於卿大夫相與為賓師  
朋友道足以相信而權不足以相依戚戚猶同已則規之異已則疎  
之未有聞過而喜受誨而不怒者也而況於君臣之間乎方熙寧中  
朝廷政事與公所言無一不相違者書數十上皆盡言不避蓋自敵  
以下所不能堪而先帝安受之非特不怒而已乃欲以為左右輔弼



鍾惺曰雖  
為父周

於朕說出  
一段至理

而無原筆

鍾惺曰不  
讀此等處  
不見老蘇  
文字中厚  
道溪心

之臣至為敘其所著書讀之於通英閣不深知公而能如是乎二聖  
之知公也知之於既同而先帝之知公也知之於方異故臣以先帝  
為難昔齊神武皇帝寢疾告其子世宗曰庾景專制河南十四年矣  
諸將皆莫能敵惟慕容紹宗可以制之我故不貴留以遺汝而唐太  
宗亦謂高宗汝於李勣無恩我今責出之汝當受以僕射乃出勣為  
登州都督夫齊神武唐太宗雖未足以比隆先帝而紹宗與勣亦非  
公之流朕古之人君所以為其子孫長計遠慮者類皆如此寧其身  
亡受知人之名而使其子孫享得賢之利先帝知公如此而卒不  
盡用安知其意不出於此乎臣既書其事乃拜稽首而作詩曰



於皇上帝子惠我民孰堪顧天惟聖與仁聖子受命如堯之初神母  
詔之匪亟匪徐聖神無心孰左右之民自擇相我興授之其相維何  
太師溫公公來自西一馬二童萬人環之如渴赴泉孰不見公莫如  
我先二醒忘已惟公是式公亦無我惟民自度民曰樂我既相司馬  
爾賈於途我畊于野士曰時哉既用君實我後子先時不可失公如  
麟鳳不鷙不搏羽毛畢朝雄狻率服為政一年疾病半之功則多矣  
百年之思知公於異識公於微匪公之思神考是懷天子萬年四夷  
來同薦于清廟神考之功  
鍾惺曰讀司馬溫公富鄭公諸碑知宋世大臣猶自有人其以弱



宋而能抗金元以屹不羸後之全盛而受困一隅之虜也











